



Prosjekt Bryggen - Utlysning av tilskotsmidlar for 2018

Midlane til Prosjekt Bryggen blir løyvd årleg frå statsbudsjettet kapittel 1429 post 79 verdsarv. Hordaland fylkeskommune har ansvar for å fordele tilskot til sikring og istandsetting av bygningane, under hovudpostane PB-100 Istandsetting og PB-200 Sikring og prosjektering. Vidare har fylkeskommunen ansvar for å fordele tilskot til nokre delprosjekt under PB-500 Fellesoppgåver. Søknader som gjeld delprosjekt under desse hovudpostane, skal sendast til Hordaland fylkeskommune.

Retningslinjer

Lagt ved er gjeldande retningslinjer for tilskot under Prosjekt Bryggen. Retningslinjene er vedtekne av fylkesutvalet og blir justert ved behov.

Lagt ved er òg gjeldande retningslinjer for dokumentasjon og rapportering for istandsettingstiltak i Prosjekt Bryggen. Retningslinjene for dokumentasjon og rapportering, som justerast administrativt ved behov, er nyleg justert på ein del punkt for å forenkle og redusere dokumentasjonen. Dette gjeld mellom anna for krava til forprosjekt.

Søknadsfrist

1. november 2017.

Søknadsformat

Søknader må fyllast ut i Excel-fila som er lagt ved.

- Søknaden må innehalde budsjett, opplysningar om eigendel og eventuelle andre finansieringskjelder, og ei kort beskriving av tiltaket.
- Nærare informasjon om kva søknaden skal innehalde, samt rettleiing for utfylling, er definert i Excel-fila.
- Søknaden må lagrast og sendast inn som Excel-fil.
- Det skal sendast inn ei separat Excel-fil for kvart einskild delprosjekt (eit istandsettingstiltak i Prosjekt Bryggen blir omtala som eit delprosjekt, det same blir andre tiltak).
- Dersom ein tiltakshavar søker om tilskot til fleire delprosjekt under istandsetting og sikring, skal det saman med søknadane leggest ved ei prioriteringsliste for delprosjekta som det søkaste om tilskot til. (Merk: Ei slik prioriteringsliste er *ikkje* naudsynt for tiltak under PB-500.)

Innsending

Søknader med eventuelle vedlegg må sendast inn per e-post, til hfk@hfk.no med kopi til helene.moe@hfk.no

Handsaming av søknadene

Den einskilde søknaden vil bli sett i samanheng med samla disponibelt beløp i Prosjekt Bryggen og framdrifta i istandsettingstiltaka.

Handsaminga gjerast i tråd med gjeldande retningslinjer for tilskot, og for aktuelle tiltak òg i tråd med gjeldande retningslinjer for dokumentasjon og rapportering i istandsettingstiltak.

Vi gjer merksam på at det i tråd med kva som er nedfelt i retningslinjene for tilskot er same krav til minimumseigendel for forprosjekt som for andre tiltak i Prosjekt Bryggen, og vidare at det i retningslinjene for tilskot ikkje er definert ei øvre grense for tilskot til forprosjekt.

Avhengig av kva tid fylkeskommunen mottok tilsegnsbrev om statsmidlar frå statsbudsjettet kapittel 1429, legg ein opp til å sende ut vedtak i løpet av april 2018. Normalt mottok fylkeskommunen tilsegnsbrevet om statsmidlar i april månad.

Ramme i 2018

Samla disponibelt beløp blir stadfesta ved mottak av tilsegnsbrevet om statsmidlar frå statsbudsjettet kapittel 1429. I inneverande år var det i underkant av 11 millionar kroner disponibelt som nye midlar over statsbudsjettet, i tillegg til førehandstilsegn på totalt 2 millionar kroner, og ein må ta høgde for at ramma for 2018 ikkje blir auka.

Generelle prioriteringar i 2018

I tråd med generelle føresetnader og prioriteringar frå Riksantikvaren, skal bygningar som i Askeladden er registrert med overordna tilstandsgrad (TG) 3 og 2 prioriterast. Det skal ikkje gis tilskot til bygningar med TG 1.

Det vil bli gitt prioritet til tiltak som bidreg til å betre overordna tilstandsgrad, tiltak med god framdrift, og tiltak som kan vise til ein god og effektiv intern organisering, planlegging og gjennomføringsevne.

Dersom det føreligg brot på tidlegare gitte vilkår for tilskot, eller dersom eit fleirårig tiltak ikkje kan vise til god organisering, planlegging og gjennomføringsevne i tidlegare år, blir tiltaket prioritert ned.

For alle søknader som gjeld istandsetting eller sikring vil det bli vektlagt at det innan rimeleg tid etter søknadsfristen 1. november føreligg søknad om dispensasjon etter kulturminnelova for dei arbeida som skal utførast i det kommande året, jf. punkt 7g i retningslinjene for tilskot.

Dispensasjonar og løyve

Det er eit vilkår for tildeling av tilskot at tiltaka er i samsvar med samtlige myndekrav.

- Det skal søkast om dispensasjon etter **kulturminnelova** både for sikringstiltak og for tiltak som er del av ei langsiktig istandsetting. I det sist nemnde tilfellet skal det søkast om dispensasjon for arbeida som skal utførast i 2018.
 - For tiltak som gjeld *arbeid på bygningar*, inklusive fundament, skal det søkast om dispensasjon etter kulturminnelova § 15a. Her er fylkeskommunen forvaltningsmynde. Søknader om dispensasjon sendast enten til hfk@hfk.no med kopi til erlend.hofstad@hfk.no eller til: Hordaland fylkeskommune, Kultur- og idrettsavdelinga, Postboks 7900, 5020 Bergen.
 - For tiltak som gjeld *arbeid i grunnen*, skal det sendast søknad til Riksantikvaren om løyve etter kulturminnelova § 8 1.ledd. Enten til postmottak@ra.no eller til: Riksantikvaren, Postboks 8196 Dep., 0034 Oslo.
- Tiltakshavar/søker har ansvar for å avklare med Bergen kommune om dei planlagde tiltaka vil krevje ein søknad etter **plan og bygningslova**, og for å innhente naudsynt løyve.
- Tiltakshavar/søker har ansvar for å innhente naudsynte løyve frå andre mynde.